



24.05.2022

UPA2022/52

Jens NapätôK´

**Kina kalaaliua – kalaallisut kinaassuseqarneq qanoq paasisarparput, pillugit apeqquaqat aallaavigalugu oqallinnissamik siunnersuut.**

(Naleqqap Inatsisartuni ilaasortaataitai)

Naleqqammi ilisarnaatigilersimasatta ilagaat inuiaat nunap inui aallaavigalugit sulisariaqartugut taamatullu ingerlatsilersinissatsinnut tamaviaaruteqartuugatta.

Ilisarnaatigilersimavarput allamiuluarnata inuiaqatigiit nunap inui pissutsit piviusut atugaat aallaavigalugit ingerlatsilernissatsinnik tamaviaaruteqartuugatta, nunap inui pillugit.

Ilisarnaatigilersimavarput inuiaqatigiit nunap inui sapinngitsorsuusut upperilluinnaqqissaaripput nunaqarsuarmioqataalluta inatsisitigut kinaassuseqarluta inuiattut pisinnaatitaaffeqaannarata taamatullu nunap inoqqaavitut pisinnaatitaaffeqaannarata nammineq inatsisitigut kinaassuseqalersimalluta ingerlaqqittariaqartugut.

Anguniagaqarnerput tamaviaaruteqarnerput silaannarmiit tigusaananilu toqqammavilersugaanngilaq. Inatsisitigut kinaanerput inuiaat kalaallit namminneq suliassaraarput allat suliassarinnngilaat, taamaammallu uagut suliarinnngikkutigu kiap suliarsissagamiuk?

Inuiaqatigiit nutaaliaasumik inuuneqalersimasugut kalaaliusugut tassalu inuit uagut piorsarsimasutsikkut pisuussutigut taamatullu oqaatsivut pisuussutigalugillu nukittoqutigalugit inuiattut kalaaliusugut inissisimalersimasugut, inatsisitigut kinaassuseqalertariaqarnerput Naleqqamiit ilungersuutitta ilagilluinnarpaat.

Kinaassuseqarluta immikkuullarissuteqarluta kalaallit nammineq aallaavigaluta pisuussutigisagut nukittoqutigalugit ingerlariaqqinnissarput pingaartillugu qaqileruarnitsinni alloriaqqikkusuppugut inatsitigut kinaassuseqarluta.

Inuiaqatigiit nunap inuisa pingaartitaat, tassalu naleqartitagut pingaartitagullu aporaaffiusarsimasut aammalu aporaaffiusinnaasut akimorlugit ataatsimut eqqartueqatigiilluta kivitseqatigiilluta aqqis-suussilernerusariaqarpugut imminut aallaaviulluta inatsisitigullu naqissuserneqarsimasumik kinaassuseqarluta.



Kinaassuseqarluta kalaalliunerput misigissutikkut nalunngilluaasaraluarlugu, kinaanerput sorlaa ti-killugu eqqartorsinnaajuartariaqarparpugut killilersugaanata kinaanerput pillugu. Pingaartitagut naleqartitagut ilanngullugit eqqartornerusinnaasariaqarpagut allamiluartutut nipanger-saannarneqarnata.

Kinaassutsikkut imminut isiginerput aammalu nunap inui aallaavigalugit suliniuteqartuunerput Naleqqami ilisarnaatigilersimasarput nunarsuarmioqataalluta sanarfeqqinnerani illu qaarsummi sa-naajusoq qajannaatsumik tunngavisillugu sanarfinissaa sapiissuseqarfiginerusariaqalerparput, taa-maammallu alloriaqqinnermi allat eqqartorusunngisaat maanna aammaarluta qaqilerparput kina ka-laaliuva?

Tamatta nalornissutigingeqaarput kinaanerluta, inup inui aammalu nammineq aallaavigaluta qanoq piorsarsimassutsikkut pisuujutigigaluarluta killiffeqarluta pingaarututeqartorujussuit ilagaat inatsisitigut toqqammaviatigut inissinniarnissaa kina kalaaliua?

Taamaammat suliniuteqarluta alloriaqqinnissamut pingaartitagut aallaavigalugit apeqquteqaat aalla-avigalugu nalilersuisoqarnissaa siunnerfissarput ullut tamaasa apeqqutigineqaqattaartoq tassaavoq, naak naalakkersuinikkut qaqikkumaneqanngikkaluartoq, oqallissaarinertullusooq apeqqutigi-neqaqattaartartoq:

Inuiaat kalaallit, nunat tamat akornanni inatsisit malillugit inuiattut akuerineqarsimasut, kik-kuugamik? Illit? Uanga? Alla? Kalaallisut inuiaassuseqarneq oqaatsinik tunngaveqarpa? Oqalut-tuarisaanermik tunngaveqassava? Siuaasatigut aallaaveqassava? (genitigut) imaluunniit sumi naju-gaqarnermik aallaaveqassava? Nunatsinnut asanninneraaneq naammappa? Oqaannarluni Nunarsi asavara naammappa? Ilaq oqartarput Kalaaleq tassaasoq kalaallisut oqaluttoq kalaallisut ilinniartoq. Apeqqut taanna pingaarutilik ullumikkut, inissinnianngikkutsigu taava qaqugu inississagatsigu? pisariaqarluinnarpoq ukiuni makkunani namminersulivinnissamik anguniagaqarnitsinni apeqqutip taassuma pingaarutillip inissinnissaa.

Nammineq inatsisitigut kinaassuseqarnissarput nammineq suliassaraarput taamaammat Naleqqamiit neriuutigaarput apeqquteqaat aallaavigalugu oqallissaarinitsinni sukumiisumik alloriarfeqarluta nalerassatsinnik.